

『聖』作『璽』、『才』作『丈』、『無』作『无』、『礙』作『導』、皆六朝通行之別體字也。故此經及題記當爲六朝人所寫。

附校記又按此經殘卷現存十八行、即經之最後部分。起『議脩治諸波羅』訖『歡喜奉行』。尾標題『佛說首楞嚴三昧經下』。三昧經共上中下三卷、此紙既云經下、故知是經之最後部分也。今取與現行本校對、大致相同。但亦稍有出入、今校勘如下：

五行、『於十方劫懃心脩行』。現刻本『十』作『千』、『懃』作『勤』。

七行、『何況受持讀誦』。現刻本『何況』下有『聞已』二字。

九行、『應當脩集行是三昧』。現刻本『集』作『習』。

十三行、『万八千比、丘、尼、不受諸法』。現刻本作『比丘比丘尼』。

十四行、『故漏盡得解脫、得成阿羅漢』。現刻本『盡』下無『得』字、『得』下無『成』字。

十五行、『得入璽法』。現刻本『璽』作『聖』、『法』作『位』。

十八行、『聞佛所說、歡喜奉行』。現刻本『奉行』作『信受』。

(一〇) 維摩詰所說經註方便品第二 圖版八—九 圖 10

此殘卷出吐魯番、亦爲新疆鮑爾漢先生所贈送者。現存三十五行、起『中尊』訖『速朽之法』。本文下有鳩摩羅什及僧肇註文。凡鳩摩羅什註者、稱羅什曰。僧肇註者、稱釋僧肇曰。今取與現刻僧肇註本校對、知現刻本注、與寫本略有異同、且多刪節。今就殘寫本中、現刻本刪節者、撮錄於下：

七行、『若在大臣、大臣中尊、教以正法』。註云：『釋僧肇曰：正法正法也、教以正法國、以道佐時也』。

八行、『若在王子、王子中尊、示（以）忠孝』。註云：『釋僧肇曰：所承處重、宜以忠孝爲先之也』。